



## **<ՅՈՒՆԻԲԱՆԿ> ԲԲԸ ՆԵՐՔԻՆ ԱՈՒԴԻՏԻ 2022թ. ՀԱՇՎԵՏՎՈՒԹՅՈՒՆ**

Հարգելի բաժնետերեր և հյուրեր,

Թույլ տվեք ներկայացնել Ներքին աուդիտի 2022թ. հաշվետվությունը:

Տարեկան աշխատանքային ծրագրով Ներքին աուդիտն իրականացրել է մի շարք միջոցառումներ՝

### **1. Գլխամասային գրասենյակ**

- 200 մլն դրամ և ավել գումարի առևտրային վարկերի նպատակային ստուգում, այդ թվում դրանց դիմաց ձևավորված պահուստների արժանահավատության գնահատում:
- 100 մլն դրամ և ավել գումարի հիփոթեքային և սպառողական վարկերի նպատակային ստուգում, այդ թվում դրանց դիմաց ձևավորված պահուստների արժանահավատության գնահատում:
- Բանկերի կողմից ավանդների և ավանդատուների վերաբերյալ տեղեկատվական էլեկտրոնային համակարգի վարման, տվյալների պահպանման, երաշխավորված ավանդների հատուցման ենթակա գումարների հաշվարկման և Հայաստանի Հանրապետության Կենտրոնական բանկին տրամադրման կարգի ու պայմանների ուսումնասիրություն:
- Մանրածախ վարկերի փաթեթների ամբողջականության, ինչպես նաև դրանց էլեկտրոնային տվյալների բազայի վարման գործընթացի ստուգում:
- Գրավադրված ոսկյա իրերի բռնագանձման և իրացման գործընթացի ուսումնասիրություն:
- Բանկում կիրառվող կրեդիտավորման պայմանագրերի՝ Սպառողական կրեդիտավորման և Բնակարանային հիպոտեկային կրեդիտավորման մասին ՀՀ օրենքների և ՀՀ ԿԲ կանոնակարգերի պահանջներին համապատասխանության ստուգում:
- Կանոնակարգ 8/05-ի և Կանոնակարգ 8/06-ի պահանջների պահպանման ստուգում:
- Օտարերկրյա Հաշիվների Հարկային Համապատասխանության Ակտի (FATCA) պահանջների համապատասխանության ստուգում:
- Յունիբանկի համակարգում փողերի լվացման և ահաբեկչության ֆինանսավորման կանխարգելմանն ուղղված միջոցառումների ստուգում և ներքին հսկողության համակարգի գնահատում:
- Ներքին աուդիտի հաշվետվություններում ներկայացված խնդիրների լուծման հետստուգման աշխատանքների իրականացում և այլն:

### **2. Տարածքային ստորաբաժանումներ**

Ընդհանուր առմամբ տարվա կտրվածքով համալիր ստուգման են ենթարկվել թվով 12 մասնաճյուղ, 12 մասնաճյուղերում կատարվել են ոսկու գրավով վարկերի նպատակային

ստուգումներ, 49 մասնաճյուղերում կատարվել են դրամարկղային հանգույցների գույքագրումներ, ինչպես նաև 3 բանկոմատների գույքագրումներ:

### **3. Արտապլանային ստուգումներ**

Ներքին աուդիտը տարվա կտրվածքով իրականացրել է նաև արտապլանային աշխատանքներ, մասնավորապես՝

- Գրավով ապահովված բիզնես վարկերի ստացման հայտերի ուսումնասիրման համար միջնորդավճարների գանձման ստուգում:
- Մասնաճյուղերի տարանցիկ հաշիվների ուսումնասիրություն:
- Բանկի կողմից ոչ ցանկալի վարկառուների ցանկի (Black Base) վարման գործընթացի ուսումնասիրություն:
- Մալաթիա մասնաճյուղի կողմից մանրաձախ վարկավորման Արտոնյալ գործիքով տրամադրված վարկերի ուսումնասիրություն:
- <Վճարային սահմանաչափը գերազանցելու համար տույժ> սակագնի ուսումնասիրություն:
- <Ս Gold վերաֆինանսավորում> վարկային գործիքով վարկավորման գործընթացի ուսումնասիրություն:
- Կանխիկացման գործընթացի ուսումնասիրություն:
- Քարտերի տարեկան սպասարկման վճարների գանձման գործընթացի ուսումնասիրություն:
- Բանկ-հաճախորդ համակարգի 2-րդ և հաջորդ տարիների տարեկան սպասարկման սակագնի ավտոմատ գանձման գործընթացի ուսումնասիրություն:
- Մանրաձախ վարկերի տրամադրման գործընթացում սպառողական վարկի էական պայմանների անհատական թերթիկները համաձայն Կանոնակարգ 8/05-ով սահմանված պահանջների տրամադրման ստուգում:

Արձանագրված խնդիրների վերացման ուղղությամբ ձեռնարկվում են մի շարք միջոցառումներ, մասնավորապես՝

- կազմվում է արձանագրված խնդիրների վերացմանն ուղղված միջոցառումների ծրագիր, նշանակվում են պատասխանատու անձինք / ստորաբաժանումներ և կատարման ժամկետներ՝ 10-90 օր՝ ելնելով ռիսկի աստիճանից, արձանագրված խնդրի բնույթից,
- իրականացվում է արձանագրված խնդիրների վերացման նկատմամբ հետհսկողություն՝ դրանց կրկնությունը բացառելու և Բանկի կառավարման մարմինների որոշումների կատարումը ստուգելու նպատակով:

### **Ներքին աուդիտի եզրակացությունը ներքին հսկողության համակարգի վերաբերյալ**

Հայաստանի Հանրապետության Կենտրոնական բանկի կողմից սահմանված ներքին հսկողության իրականացման նվազագույն պայմաններին <Յունիբանկ> ԲԲԸ-ի ներքին հսկողության համակարգի համապատասխանության եզրակացության համար հիմք են հանդիսացել՝

- ✓ Բանկի Ներքին աուդիտի 2022թ. տարեկան աշխատանքային ծրագրի շրջանակներում իրականացված վերստուգումները, դրանց արդյունքում ներկայացված առաջարկությունների ապահովմանն ուղղված միջոցառումները,
- ✓ ընթացիկ վերահսկողության և տարեկան աշխատանքային ծրագրի շրջանակներից դուրս Բանկի Ներքին աուդիտի իրականացրած վերստուգումները, դրանց արդյունքում ներկայացված առաջարկությունների իրագործմանն ուղղված միջոցառումները,
- ✓ ՀՀ ԿԲ կողմից արձանագրված խնդիրների վերացմանն ուղղված ձեռնարկված միջոցառումները,
- ✓ արտաքին աուդիտի ստուգման արդյունքների հիման վրա <Նամակ ղեկավարությանը> փաստաթղթով ներկայացված առաջարկությունների կատարման վերստուգումները:

Բանկի ներքին հսկողության համակարգում արձանագրված խնդիրները ձեռնարկվող միջոցառումների արդյունքում լուծված են կամ գտնվում են կարգավորման փուլում, ինչը հիմք է տալիս եզրակացնելու, որ <Յունիբանկ> ԲԲԸ-ի ներքին հսկողության համակարգը համապատասխանում է ՀՀ Կենտրոնական բանկի կողմից սահմանված ներքին հսկողության իրականացման նվազագույն պայմաններին:

**Ներքին աուդիտի տնօրեն**  
**Արթուր Ղուկասով**  
**05.05.2023թ.**